

# Müll drenna auf Bairisch – do schau her!

## RESTMÜLL

- Benutzde Küchnroin, Daschndiache, Seawjedn und so Zeig
- Zambissne Kaugummis
- Kippnstumme – de wui d'Umwelt ned seng, ned dass d'Taubn no nikotinsüchtig wern
- Staubbeidl
- Windln, Katznstreu
- Kaputts Spuizeig (größare Drümma bringst zum Wertstoffhof)
- Dreckigs oder beschichtets Papia
- Oide zrissne Stoff-Fetzn, de koa Mensch oziang mog

## PAPIA

- Oide Schreibblattl und Briefumschleg – a de mit Fensta
- Zeitungen, Kataloge und Heftl: Ois wosd nimma liest, haust do eine
- Gloa zadruckte Kartons, Packerl und Schachtln: Da gfreid si de Tonne, solange koa Dreck drinhengd

Wennst doch größare Pappadeckl host, bringstas zu unsane Wertstoffhof.

Woaßt wosd no doa konnst: Papiadüd'n nochm eikaffa ois Biodüd'n zum Sammen hernehma!

## BIO

- Ois wosd vom Obsd und Gmias ned verarbadn konnst: Kernndl, Schoin und dafeide Restl
- Schimmliigs Brot und oide Semme
- Fleisch- und Fischrestl
- Kaffeesotz (den konnst a zammgmischt mit Eierschoin ois Dünger für deine Pflanzal hernehma)
- Ausm Gartn: oide Bleame, gloane Asterl, a bisserl Laub (wennst vui davo hosd, bringstas besa zum Wertstoffhof)

Und dass se de Bio-Plastik-düd'n vo alloa zasetzn is Pfiffkas – de derfst auf koan Foi in d'Biotonna haun – bairische Weisheit!

## OIDKLEIDER

- Oids, no guads Gwand, Handschuah und Krawattn, de scho gfleckad san – a zwoads Lebn hod jeda verdient
- Vorheng, de d'Sonn nimma durchlassn, sondern scho mehra wie a Woikbruch ausschaung
- De durchglaffan Hafalschuah, wenn de letzte Wiesn moi wieda z'gach war
- Ausgwaschne Handdiache, Dischdeckn, Bettwäsch

Wenn's scho vo de Mottn zabissn is und mehra Lecha hod wie a Fischnetz, schmeißdas in Restmüll.

## VERBACKUNGSZEIGL

### Kunststoffzeigl

- Vom Grachalbecha bis zur Leberkasverbackung
- Tetrabackl samt Verschluss
- Folien vo Verbackungen, Joghurdbecha und an Deggl schmeißt extra eine

### Glos

**Obacht:** Ois wos ned weiß oder braun is, is Greaglos und an Deggl konnst drauf lassn

### Bixn und Alu

Kronkorkn, Aluminiumschoin und Dosn, de ned giftig san

## WERTSTOFFHOF

- Batterien, kaputte Glühbirndl, scharfs Butzmittl, Lacke: ned, dass auslafft und auf oamoi in unsara Isar schwimmt
- Hoiz, Sperrmüll, Bauschutt, duachglengne Madratzn
- Dei oids Radl und des schiache Nachtkastl
- Spraydosn und laare Gasflaschn

Giftigs Zeigl konnst sogar beim Giftmobil obgem.

Ganz bsondere und no guade Sachan wern zu unsara Halle zwoa nach Pasing brocht, wo's d'Leit dann wieder kaffa kenna.

